



Saib Xyuas Dua Koj Cov Kev Tsis Taus

Muaj dabtsi nyob sab hauv

Yuav muab kuv cov kev mob coj los saib xyuas dua heev npaum li cas?	1
Lawv yuav ceeb toom rau kuv paub li cas txog qhov kev saib xyuas dua?	2
Yuav ua li cas thaum qhov kev saib xyuas dua?	2
Leej twg yog tus yuav los txiav txim rau qhov kev tsis taus?	2
Thaum twg lawv li mam txiav txim?	2
Yuav ua li cas yog ttias kuv tsis pom zoo rau txoj kev txiav txim?	2
Yuav tshwm sim yam dabtsi tuaj es cov txiaj ntsim kev pab li mam raug muab txiav?	3
Yuav ua li cas yog tias kuv sim mus ua haujlwm ne?	3
Tiv Tauj Xaus Saus	3

Yog tias koj tau txais cov txiaj ntsim kev pab Xaus Saus los yog Supplemental Security Income (SSI) rau cov neeg tsis taus, peb yuav muab koj tus mob rov los saib xyuas dua tej lub sijhawm kom paub meej tias koj tseem muaj tus mob lub cev tsis taus uas tsim nyog txais kev pab.

Feem ntau, yog tias koj tus mob tsis zoo ntxiv tuaj, los yog koj qhov kev tsis taus tseem txwv tsis pub koj mus ua haujlwm, koj yuav tau txais koj cov txiaj ntsim kev pab mus ntxiv.

Peb tus txheej txheem rov saib xyuas dua yog tsim tsa los muab txhua txoj hauv kev los qhia tias koj tseem tsis taus thiab kom paub meem tias koj cov txiaj ntsim kev pab tsis raug muab txiav yuam kev. Peb yuav muab tas nrho cov pov

thawj txog koj tus mob yuav tau muab coj los luj hlo. Yog tias koj muaj tshaj li ib tug mob ua rau koj tsis taus, peb yuav xam qhov yuav tshwm sim ntawm ob qho mob ua ke tas nrho rau koj rab peev xwm uas yuav ua tau haujlwm.

Hauv qab no yog ib co lus nug uas muaj neeg nug heev tshaj txog cov kev rov saib xyuas dua cov kev tsis taus Xaus Saus.

Yuav muab kuv cov kev mob coj los saib xyuas dua heev npaum li cas?

Qhov kev yuav saib xyuas dua heev npaum li cas yuav yog nyob ntawm qhov mob zoo li cas thiab hanyav li cas thiab saib puas npaj tias nws puas yuav zoo ntxiv tuaj.

- Yog tias npaj tias yuav zoo ntxiv tuaj, koj thawj qhov kev saib xyuas dua feem ntau yuav yog rau mus txog 18 lub hlis tom qab lub hnuv tim koj tau raug kev tsis taus.
- Yog tias muaj feem uas yuav zoo ntxiv tuaj, tiamsis yog twv tsis tau, koj cov ntaub ntawv yuav raug muab saib xyuas dua peb xyoos ib zaug; thiab
- Yog tias **tsis npaj** tias yuav zoo ntxiv tuaj, peb yuav mnuab koj cov ntaub ntawv saib xyuas dua xya xyoo ib zaug.

Lawv yuav ceeb toom rau kuv paub li cas txog qhov kev saib xyuas dua?

Thaum uas peb txiav txim tias yuav ua hlo ib qho kev saib xyuas dua rau tus mob, peb yuav xa ib tsab ntawv tuaj hais kom koj muaj rau ntawm lub chaw ua kam Xaus Saus.

Yuav ua li cas thaum qhov kev saib xyuas dua?

Nyob rau ntawm qhov kev saib xyuas dua, peb yuav nug koj hais tias koj tus mob puas ua li cas rau koj thiab siab nws puas yuav zoo ntxiv tuaj. Peb yuav nug kom koj nqa koj tug kws kho mob cov npe, chaw nyob thiab xov tooj tuaj thiab nqa ib co lej teev koj cov ntaub ntawv teev mob rau tej tsev kho mob thiab lwm lub chaw kho mob uas tau kho koj txij thaum uas koj tau tiv tau peb zaum tag los no. Yog tias koj tau ua haujlwm txij thaum koj ua ntawv thov cov txiaj ntsim kev pab rau cov neeg tsis taus los yog txij thaum zaum kawg uas peb muaj kev saib xyuas dua, peb yuav xav tau ib co ntaub ntawv hais txog cov hnuv tim uas koj tau ua haujlwm, qhov nyiaj uas lawv them koj thiab hom haujlwm uas koj tau ua.

Leej twg yog tus yuav los txiav txim rau qhov kev tsis taus?

Peb yuav xa koj cov ntaub ntawv mus rau lub Disability Determination Services nyob hauv koj lub xeev. Lub koomhaum yuav txiav txim rau kev tsis taus ntawm Xaus Saus. Ib tug neeg paub ntau txog kev kuaj neeg tsis taus yuav thov cov

ntawv tshaj tawm mob ntawm koj cov kws kho mob thiab los ntawm lwm qhov chaws uas koj tau txais kev kho mob. Tus neeg kuaj thiab ib tug neeg pab muab tswv yim txog kev kho mob, uas ua haujlwm sib pab ua ke, yuav maj mam saib xyuas dua tas nrho cov ntaub ntawv uas lawv tau txais los ntawm koj cov ntawv thiab li mam txiav txim.

Thaum twg lawv li mam txiav txim?

Feem ntau ntawm cov haujlwm ntawd, qhov kev txiav txim yog muaj xam los ntawm cov ntaub ntawv los ntawm koj cov kws kho mob, cov tsev kho mob thiab lawm qhov chaw kho mob los. Tiamsis, yog tias cov pov thawj mob yog ib co uas tsis meej los yog tsi yog cov tamsim no, tej zaum lawv yuav kom muaj ib qho kev kuaj tshwj xeeb uas yog tsis raug nqi rau koj them. Lawv yuav sau ntawv ceeb toom qhia rau koj paub lub hnuv tim, lub sijhawm thiab lub chaw.

Yuav ua li cas yog ttias kuv tsis pom zoo rau txoj kev txiav txim?

Koj thov thim lus los tau yog tias koj tsis pom zoo rau qhov kev txiav txim. Qhov no txhais tau tias koj thov tau kom peb saib koj cov ntaub ntawv dua saib peb qhov kev txiav txim puas yog. Muaj plaub them kev thov thim lus thiab, feem ntau, koj muaj 60 hnuv los mus thov thim lus ntawm ib them mus rau lwm them tom ntej. Plaub them ntawd yog:

- **Kev rov muab xam dua** — Koj cov ntaub ntawv raug rov muab saib xyuas dua los ntawm cov neeg nyob uas yog uas tsis tau muaj kev koom tes nrog thawj qhov kev txiav txim qub. Koj tuaj rau ntawm ib tug xam mloog kev hais cai rau cov neeg tsis taus uas yog tus yuav txiav txim rau koj qhov kev thom thim lus los tau.
- **Kev mloog kev hais cai** — Yog tias koj tsis pom zoo rau txoj kev txiav txim los ntawm kev rov muab xam dua, koj thov ib txoj kev mloog kev hais cai ntawm ib tug thawj xam tswj kev cai lij choj los tau.

- **Koom Txoos Thov Thim Lus** — Yog tias koj tsis pom zoo txog qhov kev mloog hais cai qhov kev txiav txim, koj thov ib qho kev rov muab saib xyuas dua los tau los ntawm Xaus Saus Lub Koom Txoos Thov Thim Lus.
- **Lub xam nom tswj loj** — Yog tias koj tsis pom zoo rau Lub Koom Txoos Thov Thim Lus qhov kev txiav txim los yog Lub Koom Txoos Thov Thim Lus txiav txim tsis muab koj cov teeb meem coj los saib xyuas dua, koj ua ntawv foob mus rau hauv lub xam nom tsej loj los tau.

Yuav tshwm sim yam dabtsi tuaj es cov txiaj ntsim kev pab li mam raug muab txiav?

Feem ntau, cov txiaj tsim kev pab uas yog nyiaj ntsuab yuav raug muab txiav yog tias cov pov thawj qhia tau tias koj tus mob yeej zoo ntxiv tuaj lawm thiab koj ua tau haujlwm rov zoo li qub nkaus xwb. Tsuas yog tias koj tus mob tsis tau zoo ntxiv tuaj thiab koj ua tsis tau haujlwm, ces koj cov txiaj ntsim kev pab nyiaj ntsuab yuav tau ntxiv mus.

Yuav ua li cas yog tias kuv sim mus ua haujlwm ne?

Xaus Saus muaj ob peb co kev cai tswj tshwj xeeb uas pab tau koj yog tias koj xav mus ua haujlwm.

Yog tias koj tau txais cov txiaj ntsim kev pab Xaus Saus rau cov neeg tsis taus thiab koj tau tshaj tawm koj cov haujlwm lawm, tej zaum koj yuav tau ib co nyiaj khwv tau los uas tsis muaj txwv qhov pub tshaj thaum lub caij koj sim ua haujlwm txog txij rau cuaj lub hlis (tsis tas yuav sib law liag) thiab tseem tau txais hlo cov txiaj ntsim kev pab. Lwm cov kev cai tswj tso cai rau cov txiaj ntsim kev pab nyiaj ntsuab thiab Medicare kom tau ntxiv mus thaum uas koj sim rov mus ua haujlwm li yav tag los.

Yog tias koj tau txais cov txiaj ntsim kev pab tsis taus SSI, koj txais tau ntxiv mus txhua lub hlis thaum uas koj ua haujlwm tiamsis koj cov nyiaj

khwv tau los thiab tej kev pab cuam yuav tsum nyob rau ntawm tej them tsis pub tshaj. Yog tias koj cov nyiaj ntsuab them tuaj raug txiav vim koj tas nrho koj cov nyiaj khwv tau los tshaj SSI them uas tsis pub tshaj, tej zaum koj tseem tsim nyog muaj npe rau Medicaid.

Peb muaj lwm cov kev pab cuam uas pab tau koj txog tej nuj nqis ua haujlwm, kev cob qhia thiab kev kho kom zoo li qub. Mus nug koj lub chaw ua kam Xaus Saus yog xav paub ntxiv txog cov kev cai tswj tshwj xeeb rau cov neeg tsis taus uas xav ua haujlwm.

Tiv Tauj Xaus Saus

Muaj ntau txoj kev tiv tauj Xaus Saus, tsis hais hauv Internet, hu xov tooj, thiab tuaj tim ntsej tim muag. Peb nyob ntawm no teb koj cov lus noog thiab pab ua haujlwm rau koj. Ntau tshaj li 80 xyoo los lawm, Xaus Saus yeej tau pab tuav tswj khov lub neej hnuv no thiab tag kis mus los ntawm txoj kev pab txiaj ntsim kev pab thiab kev tiv thaiv kev siv nyiaj txiag rau tsheej laab tus tib neeg thoob plaws rau lawv txoj kev taug ua lub neej.

Mus saib peb lub vas sab

Txoj hauv kev yooj yim tshaj plaws rau koj mus khiav haujlwm nrog rau Xaus Saus nyob rau lub chaw twg los tau, ces yog mus saib **www.socialsecurity.gov**. Nyob rau ntawd, koj muaj feem ua tau:

- Tsim ib lub *my* Social Security lub chaw cia nyiaj los mus saib xyuas koj *Social Security Statement (Daim Ntawv Teev Nyiaj Xaus Saus)*, teev meej cov nyiaj koj khwv tau los, luam ib tsab ntawv teev meej koj nyiaj pab thaum laus, hloov koj cov nyiaj koj tso ncaj qha rau hauv, thov ib daim npav Medicare tshiab, mus muab daim ntawv SSA-1099/1042S hloov tshiab, thiab ntau yam ntxiv;
- Ua ntawv thov Kev Pab Ntxiv (Extra Help) rau cov nuj nqis them tshuaj Medicare;

- Ua ntawv thov cov txiaj ntsim kev pab rau thaum laus so haujlwm, muaj mob lub cev tsis taus, thiab ntawv kho mob Medicare;
- Mus nrhiav saib peb cov ntawv luam tseg;
- Mus muab cov lus teb rau tej yam lus tig neeg nquag noog heev; thiab
- Ntau yam tshaj ntxiv!

Tej yam ntawm cov kev pab cuam ntawm no yog tsuas muaj muab hais ua lus Askiv nkaus xwb. Mus saib peb lub chaw Multilanguage Gateway yog xav paub ntxiv uas yog muab hais ua hom lus Hmoob. Peb yuav muab cov kev pab txhais lus pub dawb los pab koj khiav haujlwm nrog rau Xaus Saus. Cov kev pab txhais lus yog muaj rau koj siv tab txawm koj nrog peb tham hauv xov tooj los yog nyob rau hauv Xaus Saus lub chaw ua haujlwm.

Hu peb

Yog tias koj tsis muaj kev nkag mus siv Internet, peb muaj ntau txoj kev pab tamsim ntawd uas yog siv xov tooj, 24 teev tauj ib hnuv, 7 hnuv tauj ib asthiv. Hu rau peb tus xov tooj hu dawb ntawm **1-800-772-1213** los yog peb tus xov tooj TTY, **1-800-325-0778**, yog hais tias koj lag ntseg los yog hnov lus tsis zoo.

Yog tias koj xav hais lus nrog ib tug neeg, peb tau koj tsab xov tooj thaum 7 teev sawv ntxov mus txog rau 7 teev tsaus ntuj, Hnuv Vas Cas mus txog rau Hnuv Vas Xuv. Peb thov koj ua siab ntev thaum cov sijhawm peb tsis xyeej vim hais tias tej zaum koj yuav hnov lub tswb xov tooj hais tias peb tsis tau khoom teb ntau tshaj thiab yuav tau tos ntev dua lim mam tau nrog peb tham. Peb tos ntsoov yuav pab ua haujlwm rau koj.



Securing today
and tomorrow

Social Security Administration
Publication No. 05-10068-HM | July 2017
Saib Xyuas Dua Koj Cov Kev Tsis Taus

What You Need To Know: Reviewing Your Disability (Hmong)
Produced and published at U.S. taxpayer expense

Tsim los thiab muab luam tawm los ntawm cov se uas tus Neeg Asmeskas them se rau